

07 FEB 1998

DR MAHATHIR TIBA DI SINGAPURA

SINGAPURA, 7 Feb (Bernama) -- Perdana Menteri Datuk Seri Dr Mahathir Mohamad dan isteri Datin Paduka Dr Siti Hasmah Mohamed Ali tiba di Singapura bagi lawatan sehari.

Mereka tiba di Lapangan Terbang Changi di sini pada lebih kurang pukul 12 tengah hari. Perdana Menteri dan isteri sebelum ini telah melawat Thailand dan Filipina.

Dr Mahathir akan bertemu Perdana Menteri republik itu Goh Chok Tong untuk meneruskan perbincangan mengenai krisis mata wang serantau dan isu-isu dua hala, kata Kementerian Hal Ehwal Luar Singapura.

Kedua-dua pemimpin itu sebelum ini bertemu di Johor pada 20 Jan lepas.

Dr Mahathir dijangka menghadiri jamuan makan tengah hari yang diadakan oleh Goh dan isteri. -- BERNAMA

THG PR